

Հ Ա Ն Գ Ի Ս Տ

Տ. ՏԻՐԱՅՐ ԱՐՔԵՊԻՍԿՈՊՈՍ ՏԵՐ-ՀՈՎՀԱՆՆԻՍՅԱՆԻ

1956 թվականի մարտի 29-ին, ավագ Հինդ-շարթի օրը, Նյու-Յորքի եպիսկոպոսականների Մեկնա Լյուքս Հիվանդանոցում, ի Տեր Հանգլավ Մայր Աթոսի միաբան Տ. Տիրայր արքեպիսկոպոս Տեր-Հովհաննիսյանը 89 տարեկան հասակում:

Ապրիլի 4-ին, չորեքշաբթի օր, Նյու-Յորքի Հայոց Ս. Խաչ եկեղեցու մեջ Հյուսիսային Ամերիկայի Հայոց Արևելյան թեմի առաջնորդ գերաշնորհ Տ. Մամբրի արքեպիսկոպոս Գալ-ֆայանի նախագահությամբ մատուցվեց Հովհաննիսյանի սուրբ պատարագ, որի ընթացքում կատարվեցին վերջին օծման և թաղման կարգերը, ապա Հանգուցյալ սրբազանի մարմինը ամփոփվեց Ֆրերնքիֆ գերեզմանատան մեջ:

Հանգուցյալ սրբազանը վերջին ներկայացուցիչն էր Հայաստանյայց Առաքելական եկեղեցու բարձրաստիճան հոգևորականության այն փառանքին և Գևորգյան ճեմարանի ավագ սերնդին, որը սրբությամբ և մեծ արդյունավետությամբ ծառայեց Հայ եկեղեցուն, հայ մշակույթին և հայ ժողովրդին:

Հանգուցյալ սրբազանի մահով Հայաստանյայց Առաքելական եկեղեցին կորցնում է իր ինքնատիպ, նախանձախնդիր, ավանդապահ, կենցաղապես և հայրենասեր մշակներից մեկին:

Հանգուցյալ սրբազանը ծնվել է 1867 թվի ապրիլի 21-ին, Ղարաբաղի Բոնակոթ գյուղում: Իր նախնական կրթությունը ստացել է ծննդավայրի ծխական դպրոցում և ապա սովորել է Եւջու թեմական դպրոցում: Ուսումնասիր պատանին ապա ընդունվել է Ս. Էջմիածնի Գևորգյան ճեմարանը, որի լսարանական բաժինը հաջողությամբ ավարտելուց հետո մեկնել է թեոսերուրդ շարունակելու իր ուսումը, հետևելով պատմա-բանասիրական դասընթացներին:

Որոշ ժամանակ ուսումնասիրել էրիտասարդը եղել է Լոնդոնի և Փարիզի համալսարաններում, գիտությունն որ պաշարներ ավելաց-

նելով իր գիտելիքների և ընդհանուր զարգացման վրա:

Արտասահմանից Մայր Աթոս վերադառալուց հետո կուսակրոն քահանա է ձեռնադրվել Հայրիկից, օծակից ունենալով Երջանկահիշատակ Գևորգ Զ և Գարեգին Ա կաթողիկոսներին:

Երիտասարդ և խոստումնալից հոգևորականի առաջ բացվում է աղգային-եկեղեցական և կրթական գործունեության ընդարձակ առարկեր: Նա որոշ ժամանակ դասավանդում է Գևորգյան ճեմարանում, երևանի թեմական դպրոցում և ապա վարում է Ղարաբաղի թեմական դպրոցի տեսչությունը:

Ապա Տ. Տիրայր վարդապետին տեսնում ենք թեմական առաջնորդական պաշտոններում: Նա նշանակվում է Թեաքարիայի թեմի առաջնորդական փոխանորդ և հոգևոր խորհրդի (կոնսիստորիա) փոխ-նախագահ, ապա Թիֆլիսի Ս. Սարգիս եկեղեցու փոխանորդ:

1917—1920 թվականներին Տ. Տիրայր վարդապետը եղբայրական օգնության հանձնախմբի կողմից ձեռնհասորեն և հայրենասիրությամբ դրադվում է Էջմիածնում արևմտահայ գաղթականների տեղավորման հարցով:

Այդ տարիներին նա եղել է նաև Մայր Աթոսի գիվանապետ, մինչև 1921 թիվը:

Անցնող տարիների հետ միասին Տ. Տիրայր վարդապետը խորացնում է պատմա-բանասիրական իր գիտությունը: Նա տիրապետում էր հայերեն, ռուսերեն, անգլերեն, ֆրանսերեն, գերմաներեն և մասամբ ևս վրացերեն լեզուներին: Նա աշխատակցում է Մայր Աթոսի պաշտոնաթերթի «Արարատ» ամսագրին կրոնական և պատմա-բանասիրական ուսումնասիրություններով:

1921 թվականին Տ. Տիրայր սրբազանը նշանակվում է հեռավոր Հյուսիսային Ամերիկայի Հայոց առաջնորդ: Իր առաջնորդության տարիներին՝ 1921—1928 թվականներին նա

այդ թեմը ղեկավարում է ձեռնհասորեն, կազմակերպում է հայուհյաց, երիտասարդական միություններ, կիրականօրյա դպրոցներ, զարկ է տալիս ազգային-եկեղեցական կյանքին, եկեղեցու շուրջ համախմբելով բոլոր մարմիններին ու ազգային կազմակերպություններին:

Վարչական-առաջնորդական պաշտոնավարությունից հոգնած, Տ. Տիրայր եպիսկոպոսը նվիրվում է բանասիրության և կրոնական նյութերի ուսումնասիրության: Նրա գրչին է պատկանում «Յրիկի դիվանը» պատմա-գրական կարևոր ուսումնասիրությունը: Հանգուցյալ սրբազանը թողնում է նաև կրոնական, պատմական և լեզվաբանական բազմաթիվ անտիպ նյութեր:

Հանգուցյալ սրբազանը ո'ւր որ էլ գնաց, միշտ մնաց Ս. Էջմիածնի հավատարիմ միաբանն ու ղավակը, միշտ բարձր պահեց հայ

հոգևորականի արժանապատվությունը, անունն ու կոչումը, Հայաստանյայց Առաքելական Եկեղեցու կրոնական կարգապահության նախանձախնդրությունը: Նա միշտ սիրվեց, հարգվեց և գնահատվեց իր ժողովրդից որպես գրչի մարդ, որպես հայրենասեր, որպես Ս. Էջմիածնի գերագահության հանդեպ ջերմ հարգանք ու խոհական վերաբերմունք ունեցող հոգևորական և միաբան: Նա միշտ ջերմ կարոտով էր խոսում և մտածում Մայր Աթոռ Ս. Էջմիածնի մասին:

Հանգուցյալ սրբազանը Մայր Աթոռ Ս. Էջմիածնին է նվիրած իր հարուստ մատենադարանն ու թանգարանը, հավերժացնելու համար իր հիշատակը Մայր Աթոռում:

«Յիշատակն արգարոց օրհնութեամբ եղիցի»:

Հավիտենական խաղաղությունն նրա հոգուն:

